

卷五十一

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷五十一
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

大部上 天 日 月 星 雲 風

天

周易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以法 春秋繁露曰天有十端天地陰陽水土金木火人凡十端天亦

喜怒哀 喜樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

天 地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所
 使用上的注意事項



藝文類聚卷第五十一

封爵部 摠載封爵 親戚封 功臣封 遜讓封 外戚封

婦人封 尊賢繼絕封

摠載封爵

周官曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰蕃服 呂氏春秋曰太公望封於齊周公旦封於魯二君者甚相善也相謂曰何以治國太公望曰尊賢上功周公曰親親上恩太公曰魯自此削矣周公曰魯雖削有齊者亦必非呂氏也其後齊日以大至於霸二十四世而田氏有齊國魯日以削至於僅四十四世亡史記曰殷以前尚矣周封五等公侯伯子男然封伯禽康叔於魯衛地各四百親親之義褒有德也太公兼五侯地尊勤勞也武王成康所封數百而同姓五十地土不過百里下三十以輔衛王室 又曰騶忌見威王王

說之三月而受相印淳于髡見之曰善說既有愚志願陳諸前髡說畢趨
出至門而面其僕曰是人者吾語之徵言五其應我若響之應聲是必封
不义矣 漢書曰李廣與望氣王朔語曰漢擊匈奴廣未嘗不在其中而
諸妄校尉已下材能不及中人以軍功取侯者數十人廣不為後人然終
無尺寸功以得封邑者何也豈吾相不當侯耶朔曰將軍自念豈嘗有所
恨者乎廣曰吾為隴西太守羌嘗反吾誘降八百餘人詐而同日殺之至
今恨獨此爾朔曰禍莫大殺已降此乃將軍所以不得侯也 漢雜事曰
天子太社以五色為壇封諸侯者取其土苴以白茅授之各以所封方之
色以立社於其國故謂之受茅土漢興唯皇子封為王者得茅土其他臣
以戶賦租入為節不受茅土不立社 東觀漢記曰上封功臣皆為列侯
大國四絲餘各有差 博士丁恭等議古帝王封諸侯不過百里故利以建
侯取法於雷上曰古之亡國皆以無道未嘗封功臣地多而減者也乃遣
詔者即授印綬 又曰馮勤使與諸侯封事勤差量功次輕重國土遠近
地勢豐王不相踰越 莫不厭服焉自是封爵之制非勤不定 白虎通曰

受命之王致太平之美羣臣上下之功故盡封之及中興征伐大功皆封
盛德之士亦封之以德封者必試之為附庸三年有功因而封之五十里
元士有功者亦為附庸也其位大夫有功成封五十里卿成封七十里公
成封百里 又曰王者即位先封賢者憂民之急也故列土分疆非為諸
侯張官設府非為卿大夫皆為民也 鹽鐵論曰昔太公封營丘之墟辟
草萊而居焉地薄人少於是通利末之道極女工之功是以鄰國交於齊
財畜貨殖世為疆國管仲相桓公襲先君業輕重之變南服疆楚而霸諸
侯 袁子曰今有卿相之才居三公之位修其治政以寧國家未必封侯
也今軍政之法斬一牙門將者封侯夫斬一將之功孰與安寧天下者乎
夫斬一將之功者封侯失封賞之意也 相書曰天中容半印封侯 又
曰天中正百如刀者封侯 周易曰我有好爵吾與爾靡之 左傳曰齊
莊公為勇爵殖倬郭景欲與焉州綽曰東閭之役臣左驂迫還於門中識
其枚數其可以與乎公曰子為晉君也對曰臣為隸新 管子曰爵不尊
祿不重者不與圖難犯危以其道為未可以求之也是故先王制軒冕足

以著貴賤不求其美設爵祿足以守其服不求其親使君子食於道小人食於力 孟子曰有天爵有人爵仁義忠信樂善不倦此天爵也公卿大夫此人爵也古之人脩其天爵而人爵從之脩其天爵以要人爵既得人爵而棄其天爵則惑之甚者也 商君書曰明主之所貴唯爵爵賞不禁其民不急列爵不顯則民不事爵易得則民不貴祿賞不道則民不以死爭位也 又曰凡人主之所以勸民者官爵也國之所以興者農戰也今民求官爵皆不農戰而以功言虛道此謂勞民者其國必削 周官禮曰諸公之地封疆方五百里其食者半 又曰公執柎圭 又曰諸侯之地封疆方四百里其食者三之一 又曰諸侯諸伯七命其國家宮室車旗衣服禮儀皆以七為節 又曰侯用信圭 又曰諸伯之地封疆方三百里其食者四之一 又曰伯用躬圭 又曰諸子之地封疆方二百里其食者四之一 又曰子男五命其國家宮室車旗衣服禮儀皆以五為節 又曰子執敔璧 又曰諸男之地封疆方百里其食者四之一 又曰男執蒲璧 百官表注曰五等諸公周官金章朱綬朱質四采玄文織百四



十首廣尺四寸長一丈六尺朝服進賢三梁冠官品第二地方七十五里位視三公班次邑三千八百戶國秩緇千八百匹妾六人車前司馬十四人旅賁五十人 又曰縣侯漢官也自縣侯而下通號列侯金章紫綬朝服進賢三梁冠官品第三光武中輿論功封大功臣吳漢鄧禹各四縣賈復朱浮三縣耿弇等二十九人 又縣侯有家丞庶子之官列侯皆亦如之漢官解詁曰列侯金印紫綬以賞其有功功大者食縣邑小者食鄉亭得臣其所食吏民本為微侯避武帝諱曰通侯舊時文書或爵通侯是也後更曰列侯今俗人或都言諸侯乃王爾非此也列侯歸國不受茅土不立官室各隨貧富 環濟要略曰爵有五等公者無入也故文比公為公 又曰伯把也持政事也 又曰子猶孳孳恤下之稱也 又曰男任也任治事受王命為君也 周書曰能移於衆與百姓同謂之公 又曰能樹名生物與天道俱謂之侯 謚法曰執應八方曰侯 孝經援神契曰侯侯也所以守蕃也 梁任昉初封諸功臣詔曰草昧權輿事深締構康俗成務義在庇民自非羣才並軌文武宣翼將何以啓茲景祚弘此帝圖

或運籌帷帳經啓王業或攻城略野殉義忘生或股心爪牙折衝禦侮忠勤茂德夷險一致並宜建國開宇蕃屏王室山河之誓永永無窮後魏王粲爵論曰依律有奪爵之法此謂古者爵行之時民賜爵則喜奪爵則懼故可以奪賜而法也今爵事廢矣民不知爵者何也奪之民亦不懼賜之民亦不喜是空設文書而無用也今誠循爵則上下不失實而功勞者勸得古之道合漢之法以貨財為賞者不可供以復除為賞者租稅損減以爵為賞者民勸而費省者故古人重爵也 晉陸機五等論曰五等之制始於黃唐郡縣之治創自秦漢得失成敗備在典謨是以其詳可得而言夫先王知帝業至重天下至廣庶不可以偏制重不可以獨任任重必於借力制廣終乎因人於是乎立其封疆之典財其親疏之宜使萬國相維以成磐石之固宗庶雜居而定維城之業知其為人不如厚已利物不如圖身安上在於悅下為已在乎利人是以分天下以厚樂而已得與之同憂饗天下以豐利而我得與之共害故諸侯享食土之實萬國受世及之祚夫然則南面之君各務其治世治足以敦風道衰足以禦暴故疆

教之國不能擅一時之勢雄俊之民無所寄霸王之志降及亡秦葉道任術懲周之失自矜其得尋斧始於所庇制國昧於弱下國慶獨饗其利主憂莫與共害雖速亡趨亂不必一道顛沛之變實由孤立是蓋思五等之小怨忘經國之大德知陵夷之可患閭土崩之為痛漢矯秦枉大啓侯王境土逾溢不遵舊典是以諸侯阻其國家之富憑其士民之力勢足者反疾土狹者遲遲六臣犯其弱網七子衝其漏網皇祖夷於黠徒西京疾於東帝是過正之災而非建侯之累也

親戚封

左氏傳曰太上以德撫民其次親親以相及也昔周公弔二叔之不咸故封親戚以蕃屏周管蔡邠霍魯衛毛聃郕雍魯滕畢原鄆郕文之昭也邾晉應韓武之穆也凡將邢茅胙祭周公之胤也 毛詩曰乃命魯公俾侯于東錫之山川土田附庸 又曰奄有龜蒙遂荒大東至于海邦淮夷來同 史記曰成王與叔虞戲削桐葉為珪予虞曰以唐封汝史佚因言請擇日立叔虞成王曰吾與之戲耳史佚曰天子無戲言言則史書之禮成

之樂歌之於是遂封叔虞於唐 漢書曰漢興之初尊王子弟大啓九國
京師內史凡十五郡公主列侯 願邑其中蕃國大者跨州兼郡連城數十
宮室百官同制京師諸呂之難 賴於諸侯也 孟子曰象至不仁封諸有
庠仁人之於其弟也不藏怒焉不宿怒焉親愛之而已矣親之欲其貴愛
之欲其富也封之有庠者富貴之也身爲天子弟爲匹夫可謂親愛之乎
魏明帝詔曰古之帝王封建諸侯所以蕃屏王室也詩不云乎懷德
惟寧宗子維城秦漢繼周或強或弱俱失厥中大魏創業諸王開國隨時
之宜未有定制非所以永爲後法也其改封諸王皆以郡爲國 梁任昉
武帝追封永陽王詔曰亡兄德履淳粹識業深通徽聲善譽風流籍甚道
長世短清塵緬邈感惟既往永慕慟心可追封永陽郡王 又追封丞相
長沙王詔曰夫襄崇名器率由舊章光昭德祀永世作則亡兄道被如仁
功深微管懸諸日月久而彌新故能拯龜玉於已毀導涸源於將塞今理
運惟新賢戚並建感惟永遠觸目崩心可追封長沙郡王 又追封衡陽
王桂陽王詔曰亡弟暢風標秀 物器體淹弘朱方之役盡勤王事策出無

方物惟不賞亡弟融業行清簡風度閑綽 蚤優名輩夙廣令聞朕應天
命君臨萬寓祚啓郇滕感興魯衛事往運來永懷傷切暢可追封衡陽
王融可南陽郡王 又封臨川安興建安等五王詔曰神州帝城冠冕列
岳渚宮樊鄧形勝是歸居中作衛翼宣戎重隆茲寵號寔允舊章並非觀
勿居惟賢斯授宏朕之介弟早富德譽董一蕃政緝是嘉庸國禮家情
寄隆重季風穎雋邁誠業標簡任居蕃翰 政以化成偉體韻淹穆神高疑
正經綸夷險參贊王業 陳徐陵始興王 詔曰漢祖天倫伯叔追封晉元
世系琅邪傳國仰惟二后重光率由前典 朕昔因蕃次蒙繼本宗分在要
荒久離寒燠天嘉紹祚別命皇枝歸自嶠 函禮隔登獻每至霜庭可履矚
垣寢而懷悲風樹鳴條望章陵而增感今 嗣王垂德獲罪慈訓永言主奠
宜自朕躬但國步時艱皇基務切復奉家 業升纂帝圖重違情禮言深嘆
慟可以第二皇子升陵爲始興王 武帝使御史大夫策諸子立閔
爲齊王曰於戲小子閱受茲青社朕承祖 考道惟稽古建爾國家封于東
土世爲漢蕃輔於戲念哉共朕之詔唯命 不子常人之好德克明顯光義

之不圖俾為君子無意爾心允執其中 又立子旦為燕王曰小子旦受
 茲玄社建爾國家封于北土 又立子香 為廣陵王曰小子香受茲赤社
 建爾國家封于南土戰戰兢兢乃惠乃慎 無侗好佚無適小人 **晉** 魏陳
 王曹植改封陳王謝恩章曰臣既弊陋守 國無效自分削黜以彰眾誠不
 意天恩滂濶澤橫流猥蒙加封茅土既 優爵賞必重非臣虛淺所宜奉
 受非臣灰身所能報塞 又封二子為公 謝恩章曰詔書封臣息男苗為
 高陽鄉公志為穆鄉公臣伏自惟文無升 堂廟勝之助武無推鋒接刃之
 効天時運幸得生貴門遇以親戚少荷光 寵竊位列侯榮曜當世顧影慙
 形流汗反側洪恩罔極雲雨增加既榮本 幹枝葉并蒙苗志小豎既頑且
 稚猥荷列爵並佩金紫施崇一門惠及父 子 齊謝眺為宣城公拜章曰
 惟天為大日星度其象謂地蓋厚河岳宣 其氣斯冕旒所以貞觀衮職所
 以代終慙下穆而上尊豈南征而北怨何 以克詠九歌載宣七德銘彼旗
 裳勒斯鍾鼎 **宋** 陳思王曹植謝初封安 鄉侯表曰臣抱罪即道憂惶恐
 怖不知刑罪當所限齊陛下哀愍臣身不 聽有司所執待之過厚即日於

延津受安鄉侯印綬奉詔之日且懼且悲懼於始違憲法悲於不慎速此
 貶退上增陛下垂念下遺太后見憂臣自知罪深責重受恩無量精魂飛
 散忘軀殞命 云云 又謝眺封甄城王表曰臣愚駑垢穢才質疋下過受陛
 下日月之恩不能摧身碎首以荅陛下厚德而狂悖發露始于天憲自
 放棄抱罪終身苟貪視息無復瞻幸不悟聖恩爵以非望枯木生葉自
 更肉非臣罪戾所當宜蒙俯仰慙惶五內戰悸奉詔之日悲喜參至雖因
 拜章陳荅聖恩下情未展 又轉封東阿王謝表曰奉詔太皇太后念雍
 丘下濕少桑欲轉東阿當合王意可遣人按行知可居否奉詔之日伏增
 悲喜臣以無功虛荷國恩爵尊祿厚用無益於時脂車秣馬志在黜於不
 圖陛下天父之恩猥宣皇太后慈母之念遷之陛下幸為久長計聖旨惻
 隱恩過天地臣在雍丘劬勞五年左右罷怠居業同定園果萬株枝條始
 茂私情區區實所重棄然桑田無業左右貧窮食財餽口形有躑露臣聞
 古之仁君必有棄國以為百姓况乃轉居沃土人從蒙福江海所流無地
 不潤雲雨所加無物不茂若陛下念臣入從五年之勤少見佐助此枯木

生華白骨更肉非臣之敢望也。既者易食寒者易衣臣之謂矣。吳胡綜請立諸王表曰：受命之主繫天而王，建化垂統為一代制，雖禮有損益，事有質文，至於崇建懿親，列土封爵，內蕃國朝，外鎮天下，古今同契，其揆一也。周室之興，寵秩子弟，姬姓之國五十有五，諸王子受國者漸多，光武中興，四海擾攘，衆諸制度未徧，而九子受國，明章即位，男則封王，女為公主，故詩曰：既受帝祉，施于子孫。陛下踐阼以來，十有二載，皇后無號，公主無邑，臣下歎息，遠近失望，是以屢獻愚懷，依據典禮，庶請具陳，足寤聖心，深辭固拒，不蒙進納，恐天下有識之士將謂吳臣闇於禮制，不知陛下謙以失之也。加今仰夏盛德，在上大吳之慶，於是乎始開國建號，吉莫大焉。唯陛下割謙謙之德，副兆民之望，留臣祐許天下，幸甚。晉孫毓賀封諸侯王表曰：臣聞軒轅二十五宗，黃祚以繁，姬姓建國七十，周過其曆，故穆梅莫如同德，伏惟陛下聖哲欽明，稽乾作則，超五越三，與靈協契，天祚明德，克昌祚胤，秦王楚王淮南王光濟碩美，冠于羣后，改建大國，分鎮方岳，皇太子皇孫並啓土宇，培敦潼索，制弘往代，內翰皇畿，外蕃九服，羣生仰德。

向風懷義，率土臣妾，莫不稱慶。梁任昉為蕭侍中拜襲封表曰：詔書拜臣襲封竟陵郡王，臣以凡庸，素乏才植，皇朝尚德，詔爵惟賢，遂復出條，貢人頒卿士，但有道之守，海外重肩，蕃籬近甸，無勞擊柝，仰閱舊章，俯私感報，國承家豈云萬一。奏宋傅亮尚書八座封諸皇子表曰：聞懿親廣樹聖王，所先明德，並建古之休典，所以維城皇代，盤石帝基，內衛畿服，外綏四海者也。第某皇弟皇子等，神姿穎哲，大成俱茂，地均魯衛，德兼庸賢，顯進徽號，啓建疆宇，弘道作屏，光翰邦家，並可封郡王。宋謝莊為尚書八座封皇子郡王奏曰：臣聞桐珪睦親，書河汾之策，賜帶懷賢，敬東平之祚，諒以訓經終始，義洽垣墉，第某皇弟等，器彩明敏，令識穎悟，並宜憲章前典，光啓祚宇，作屏王室，式雍帝載，臣等參議，可封郡王。

功臣封

周官曰：司勳掌六鄉賞地之法，以等其功。王功曰勳，國功曰功，事功曰勞，治功曰力，戰功曰多，凡有功者，銘書於王之太常。史記曰：古之人臣功有五品，以德立宗廟，定社稷曰勳，以言勞用力曰功，明其等曰伐，積日閱

又曰武王克紂太公之謀居多於是武王封尚父於齊營丘成王少時管
 蔡作亂淮夷叛周乃使召康公命太公東至海西至河南至穆陵北至無
 棣五侯九伯實得征之齊由此征伐大于諸國 又曰召公奭與周同姓
 武王之滅紂封召公於燕其在成王時自陝以西召公主之自陝而東
 周公主之 又曰鬻熊事周文王早卒當成王之時舉文武勤勞之嗣乃
 封其後熊繹於楚 又曰晉獻公伐霍耿魏滅之因以魏封畢萬為大夫
 卜偃曰畢萬之後必大萬盈數也魏大名也以是始賞天啓之也 又曰
 陳完奔齊懿仲欲妻之卜之吉曰是謂鳳皇于飛和鳴鏘鏘有媯之後將
 育于姜五世其昌並于正卿八世之後莫之與京卒妻之完卒謚為敬仲
 六世而至田常田常弒簡公立簡公弟為平公乃割齊安平以東為己封
 邑始大於齊 漢書曰漢五年剋項天下乃平始論功侯者百四十有三
 人時人民散亡大侯不過萬戶封爵之誓曰使黃河如帶太山如礪於是中
 以丹書之信璽以白馬之盟藏諸宗廟副在有司 又曰陳平凡六出奇
 計輒益封凡六益家 又曰高祖封項伯等四人為列侯賜姓劉氏 又

曰項羽三吾聞漢購我頭千金邑萬戶吾為公得之乃自釗王翳取其頭
 揚喜呂馬童郎中呂勝楊武各得一體故分其地以封五人皆列侯 東
 觀漢記曰上謂耿丹曰今關東故王國雖數不過櫟陽萬戶邑夫富貴不
 歸故鄉如衣繡夜行故以封卿爾 又封竇融曰率厲五郡積兵羗胡畢
 至兵不血刃而虜土崩瓦解功既大矣篤意分明斷之不疑吾甚嘉之其
 以六安豐陽泉蓼安風四縣封融為安豐侯 又曰三輔豪傑入長安
 攻未央宮庚戌殺莽於漸臺東海公賓就傳得其首傳詣宛封滑侯 又曰
 班超定西域五十餘國乃封超為定遠侯 魏志曰夏侯惇文帝追思惇
 功欲使子孫畢侯分邑千戶賜惇七十二孫皆關內侯惇弟廉及子楹素
 列侯 又曹真字子丹以功封邵陵侯曹真少與宗人曹遵鄉人朱讚並
 事太祖早亡真愍之乞分食邑封遵等子曰大司馬 叔向撫孤之仁晏
 平父要之分聽分賜遵等子爵關內侯及真薨明帝心封真五子皆列侯
 又曰太祖表封荀彧為萬歲亭侯太祖又與或書曰 之相巨弼君之相
 為舉人君之相與建計君之相密謀亦已多矣大功不必野戰也十二年

復增邑合二千戶 又曰太祖表封荀攸曰前後烈祖皆攸之謀也於是封攸陵樹亭侯 又曰太祖自柳城還過攸舍稱攸前後謀曰昔高祖使張子房自擇齊三萬戶今孤亦欲君自擇所封 又曰郭嘉字奉孝異州平封滎陽亭侯及薨太祖表曰良策未決嘉執成之平定天下謀功為高宜增邑并前千戶 又曰任峻字伯遠為典農中郎大興屯田軍國致饒大祖以峻功高表封都亭侯 又曰朱靈字文博封鄆侯文帝曰將軍佐命先帝威過方邵平王所志願勿難言靈謝曰高唐宿所願乃更封高唐侯 **詔**後漢獻帝詔勅鎮東將軍領兗州牧費亭侯故特進顯授上將鈇鉞之任復食舊土雙金之寵董統一州委成之重榮曜昭示亦以優崇投節效命自百之秋也 又詔書拜鎮東將軍襲費亭侯曹操業履忠貞輔幹王室頃遭凶暴海內離析操執義討截黃巾為國出命夫祿以賞恭罰以紂否今以操為鎮東將軍領兗州牧襲父費亭侯高爵并印綬符策魏文帝冊孫權太子登為東中郎封侯文曰蓋河洛寫天意符讖述聖心 晰著明與天談也故易曰河出圖洛出書聖人則之 孫將軍歸心



忠亮之節同功佐命而其子當為魏將軍著在圖讖猶漢光武受命於天為輔王梁孫咸並見符緯也斯乃皇天啓祐大魏永令孫氏仍世為佐其以登為東中郎將封縣侯萬戶昔周嘉公旦祚流七胤漢禮蕭何一門十侯今孫將軍亦當如斯若夫長平之榮安豐之寵方斯茂如 陳徐陵進武帝為長城公詔曰德懋懋官功懋懋賞皇王盛則所謂元龜司空公南徐州刺史長城縣開國侯諱志懷夙亮風度弘遠 體文經武明允篤誠曩者率五嶺之疆兵誅四海之讎敵固以勒功彝鼎書勲太常克定京師勤勞自重自鎮撫粉榆永寧豐沛東涼既息北蔡無歸代馬燕犀氣雄天下裹糧坐甲固敵是求方欲大討於秦嶺敦脩於與 睦叶謀上相爰納朕躬思所以敬答忠勳用申朝典可進爵為長城縣公 **表**宋謝靈運謝封康樂侯表曰昔強互暴虐恃僭曆紀既噬五都志吞六合遂陷沒西河傾覆南漢凌籍紀郢跨越淮泗于時策盡惟疑地險已謝咸懼君臣同淚有生無餘二祖奉國威靈董符戎重盡心所事剋黜禍亂功參盤鼎胙土兩服逮至臣身值遭泰路日月改暉榮落代運輸稅唐化生幸無已不悟天道

下濟鴻均曲成乃眷遐績式是興徵分虎鈿龜復顯茅土鳴玉拖綬班景
 元勳澤洽往德恩覃來胤永惟先蹤遠感崩結豈臣阉弱所當忝承臣聞
 至公無私甄善則一皇恩遠被殊代可侔是以信陵之賢簡在高祖之心
 望諸之道復獲隆漢之封觀史歎古欽茲盛美豈謂榮渥近霑微躬傾宗
 殞元心識其會酬恩答厚罔知所由 宋顏延之謝子竣封建城侯表曰
 伏見策書降錫息竣開國建城縣侯爵踰三等戶越兼千生邀洪禮身茂
 盛世闔宗革聽盡室改觀誠慙末品誤參其泰臣聞子之能仕父教之忠
 忠教善信臣實負其前誥能仕志政竣固暗於明試徒以數遇會昌消憂
 啓聖幸與靈祚福德共從義勳分賞執珪登朝析金受邑慶重慮愆恩往
 懼積非臣耄蔽所任圖報豈竣庸薄所能奉服 梁沈約謝封建昌侯表
 曰陛下投袂萬里拯厥塗炭臣雖心不吠堯而迹淪桀犬此則王業始基
 臣所不與徒荷日月之私竟無蒸燭之用天命玄鳥非止今日受命作周
 其來久矣雖復備數樂推與同謳頌而誠微弱草效闕纖塵遂班山河之
 誓叨命之賞亦何以慰悅惟悵酬報爪牙

遜讓封

左氏傳曰會于戚討曹成公也 諸侯將見子臧於王而立之子臧曰前志
 有之曰聖達節次守節下失節為君非吾節也遂逃奔宋 又曰吳諸樊
 既除喪將立季札季札辭曰曹宣公之卒諸侯不義曹君將立子臧子臧
 去之君子曰能守節也誰敢姦君有國非吾節也棄其室而耕 韓子曰
 楚莊王既勝晉于河雍歸而賞孫叔敖叔敖請漢間之地沙石之處楚圍
 之法祿臣再世收唯叔敖獨存九世而祀不絕 漢書曰韋賢薨子女成
 當為嗣心知非賢即乃伴狂妄語笑既葬當襲爵玄成素有名疑其欲讓
 兄遂奏劾之玄成不得已乃受 侯爵 東觀漢記曰竇融數辭爵位又上
 疏曰臣有一子質性頑鈍何況乃當傳以連城廣土享諸侯之國哉他日
 會見遜詔曰欲讓職還土今相見不宜論也 又曰相榮卒子郁當襲爵
 讓於兄子顯宗不許不得已受封而悉以租入與之 又曰丁綝從上渡
 河及封功臣上各言所樂謂綝曰諸將皆欲縣子獨求鄉何也曰綝昔
 孫叔敖勅其子受封必求確確之地今綝能薄功微得鄉厚矣上從之封

為定陵新安鄉侯後徙封陵陽侯 又曰張純臨終謂家丞曰吾無功於時猥蒙爵土身死之後勿議傳國爵子奮上詔奮嗣爵奮稱純遺旨固不肯受帝以奮違詔收下獄奮乃襲封 又曰帝欲封樊興置印綬於前與固讓曰臣未有先登陷陣之功而一家數人並蒙爵土今天下缺望上嘉興之讓不奪其志 又曰上欲封諸舅馬太后輒斷絕曰計之孰矣有疑至孝之行安親為上今遭變異穀價數倍憂惶晝夜不安坐卧而欲封爵違逆慈母之拳拳吾素剛急有胃中氣不可不慎穰歲之後唯子之志吾但當含飴弄孫不能復知政 魏志曰田疇從太祖入廬龍塞太祖獨欲侯之疇素與夏侯惇善太祖語惇曰且往以情喻之答曰豈可賣廬龍塞以易賞祿哉縱國私疇疇獨不愧於心乎涕泣橫流惇具答太祖太祖喟然知不可屈乃拜為議郎 晉起居注曰故南城侯羊祜固辭歷年志不可奪身沒讓存遺操益厲此亦夷齊所稱賢也今聽復本封以彰厥美

齊謝朓為齊明帝讓封宣城公表曰如其懸旌灞津制馬伊穀灑酒望屬車之塵整笏侍升平之禮陛下訂謨玄覽欽若宏圖鑒臣匪躬共申



舜訓雖量能之請近遂微躬則弘長之風足軌來世 梁簡文帝為子心讓當陽公表曰月蝕之餘無黃童之對荷戟入榛異子烏之辯遂復早建茅社夙開井賦爵列五等綬參四色 又帝為子大款讓石城公表曰詭對鶴書俯羞鴉翼臣生處深宮未覩焦原之險不出戶庭豈觀砥柱之峻臣聞坳塘汎水豈議大瀆之流覆匱為峯終乖小魯之說 又為長子大器讓宣城王表曰襄野之辯尚對軒君弘羊之計猶干漢主徒以結慶璿源乘陰霄極一日千里困騏驎之馳高陰百尺藉雲崖之遠熙祖流聰慧之稱方建臨淮之國元仲表岐嶷之妾乃啓平原之封南郡與部春穀名區民化仲翔之俗山峻陵陽之嶺而綠車赤綬交映相暉金龜銀券炤灼光彩 梁江淹為齊高帝讓進爵為王表曰昔虞思勤夏不別殊物之錫晉叔臣周豈頌上公之典魯蕃懿親裁蒙衮烏之榮梁國威屬方忝旌旗之貴 梁任昉為齊明帝讓宣城郡公表曰臣本庸才智力淺短太祖高皇帝篤猶子之愛降家人之慈世祖武皇帝情等布衣寄深同氣武皇大漸實奉話言雖自見之明庸近所蔽愚夫至此已實不忍自固於綴衣之

辰推違於玉几之側遂荷願託道揚末命雖嗣君棄常獲罪宣德王室不造職臣之由何者親則東牟任惟博陸徒懷子孟社稷之對何救昌邑爭臣之譏四海之議於何逃責且陵土未訖訓誓在耳家國之事一至於斯非臣之尤誰任其咎將何以肅拜高寢虔奉武園悼心失圖泣血待旦寧容復徵榮於愧耻晏安於國危且虛飾寵章委成禦侮臣知不愜物誰謂攸宜命輕鴻毛責重山岳存沒同歸毀譽一貫辭一官不減身累增一職已黷朝經便當自同體國不為飾讓至於功均一匡賞同千里光宅近甸奄有全邦殞越為期弗敢聞命亦願曲留降鑒即垂順許乃君臣之道綽有餘裕苟曰易照敢守難奪梁沈約為林世隆讓封公表曰臣聞懸旌玉塞貳師尚黜其功伐鼓炎州伏波猶懼其賞徒以兼委之施或難固辭拙心之情必無雙奪是故俛容青閣願還茲於裂壤竊步丹墀希收寵於開賦昔竄命窮雉難迫勢孤沈板未難負戶非切及顧溫青之館懼結尊慈之懷累葉喁喁舉門惴惴臣事逼君親理非外獎實賴朝謨謹肅宰略遐震奔鯨外剿臣何力焉幸得扶老携弱重出幽堵還輶歸驂再踐鄉路

豈可資國肯以邀其功因豕功而饗其報遂使甘霜受電之心有同於飾請皎日大河之志匪殊於兒謁書魏武帝上書讓增封曰無非常之功而受非常之福是用憂結比章歸聞天慈無已未即聽許臣雖不敏猶知讓不過三所以仍布腹心至于四五上欲陛下爵不失實下為臣身免於苟取又上書讓封曰臣誅除暴逆克定二州四方來貢以為臣之功蕭相國以關中之勞一門受封鄧禹以河北之勤連城食邑考功效實非臣之勲臣祖父中常侍侯時但從輦扶翼左右既非首謀又不奮戟並受爵封暨臣三葉臣聞易豫卦曰利建侯行師有功乃當進立以為諸侯也又訟卦六三曰食舊德或從王事謂先祖有大德若從王事有功者子孫乃得食其祿也伏惟陛下垂乾坤之仁降雲雨之潤遠錄先臣扶掖之節採臣在戎犬馬之用優策褒崇光曜顯量非臣疋頑所能克堪又上書讓費亭侯曰臣伏讀前後策命既錄臣庸才微功乃復遐述先臣幽讚顯揚見得思義屏營怖懼未知首領所當所授故占人忠臣或有連城而不辭或有一邑而違命所以然者欲必正其名也又禮制諸侯國土以絕子孫

有功者當更受封不得增襲其有所增者謂國未絕也或有所襲者謂先祖功大也數未極無故斷絕故追紹之也臣自三省先臣雖有扶輿微勞不應受爵豈逮臣三葉若臣關東微功皆祖宗之靈祐陛下之聖德豈臣愚陋何能克堪又上書讓增封武平侯及費亭侯曰伏自三省素質頑素材志鄙下進無巨輔之功退有拾遺之美雖有犬馬微勞非獨臣力皆由部曲將校之助陛下前追念先臣微功使臣續襲爵土祖考蒙光照之榮臣受不貲之分未有絲髮以自報効昔齊侯欲更晏嬰之宅嬰曰臣之先容焉臣不足以繼之卒違公命以成私志臣自顧省不克負荷食舊為幸雖上德在弘下有因割臣三葉累寵皆統極位義在殞越豈敢飾辭

外戚封

史記曰武帝衛后弟青封長平侯四子皆封侯貴震天下天下歌曰生男無喜生女勿怒獨不見衛青子夫霸天下漢書曰漢興外戚與定天下侯者三人后父據春秋襄紀之美帝舅緣大雅申伯之恩浸廣博矣又曰高祖封吕后父吕公為臨泗侯兄澤為周吕侯又曰文帝封后弟薄

昭為軹侯又封齊淮南王舅駟鈞等二人為侯

又曰景帝封太后弟

竇廣國為章武侯竇彭祖為南皮侯竇嬰以破吳信為益靜侯又河平二年上悉封舅譚為平阿侯商成都侯根曲陽侯

逢時高平侯立紅陽侯五人同日封故世謂之五侯又曰武帝封太后

同母弟田蚡為武安侯勝周陽侯皇后姊平霍去病伐匈奴封冠軍侯

東觀漢記曰馬防兄弟三人各六千戶防為潁陽侯特以前參贊藥勤勞

綏定西羌以襄城羹亭一千二百戶增防防身帶三綬寵貴至盛又光

武封新野王子鄧泛為吳侯伯父皇皇考姊子周均為富波侯追封外祖

樊重為壽張侯重子丹為射陽侯孫茂為平望侯尋鄉侯從子冲更父侯

后父陰隆宣陽侯子識原鹿侯就為信陽侯皇考女弟子來歙征羌侯弟

由宜西侯以寧平公主子李雄為新市侯后父郭昌為陽安侯子沆繇曼

侯兄子竟新鄭侯匡發干侯以姨子馮邯為鍾離侯又曰明帝封太后


弟陰興為銅陽侯子傳隱強侯陰盛為無錫侯楚王舅子許昌龍舒侯

又曰鄧訓自中興後累世寵貴凡侯者二十九人東京莫比魏志曰文

帝欲追封太后母父尚書傳群議自古無婦人分王命爵之制秦違古法漢氏因之非先王之令典也帝曰此議是也裴晉庾亮讓封公表曰觀聖賢之於名爵敬戒之甚重豈先哲宜重之於古而聖朝可輕之於今耶譬猶迴太陽以消湛露運滄海以灌燎火其功易成其事易立

婦人封

左傳曰晉敗齊師齊侯遂自徐關入見保者曰勉之齊師敗矣嬖子女子曰君免乎曰免銳司徒免乎曰免矣苟君與吾父免矣可若何乃奔齊侯以為有禮既而問之辟司徒之妻也封之石窕陳留風俗傳曰封丘者高祖與項氏戰厄於延鄉有翟母者免其難故以延鄉為封丘縣以封翟母焉魏陳王曹植謝妻改封表曰璽書今以東阿王妃為陳王妃并下印綬因故上前所假印以其拜授書以即日到臣輒奉詔拜其才質底下謬同受私遇寵素食臣為其首陛下體乾坤育物之德東海含容之大乃後隨例顯封大國光揚章灼非臣負薪之才所宜克當非臣微蒙所宜蒙獲夙夜憂歎念報罔極洪施遂隆既榮枝幹根偃正臣妃為陳妃熹



宣朗非妾婦蠢愚所當蒙故裴草物猶感恩養况臣含氣銜風弘惠沒而後已誠非翰墨屢辭所能報

伏見詔書以臣母封為建昌國太夫人慶溢蓬門榮流素族恭荷屏營罔識攸真臣稟訓私閨志塗靡立竊以為義誠有由然輸力致身曾無萬一天慈罔已至德彌光探其私志降此洪澤榮親之至始自微臣率斯道也方流萬物草卉輕命固莫云酬又為長城公主謝表曰奉策書封妾為

長城縣公主微命降臨慙腆妄宣妾膺靈稟氣育景璇閨弱志易淪柔德難樹雖復式脩姆保莫敢或違而肅雍不著穠華蓋闕不悟宸暉曲漸章夙昔籍此恩加遽延典策湯沐光啓珩緹昭被梁王僧儒為南平王妃拜改封表曰拜妾為南平王妃奉命震慙有灼丹寸妾瞻絲望悅且或多慙鏡史觀圖是焉知愧以茲眇薄有儷蕃儀糾組不聞醴醢蓋闕不悟

玄造曲被微渥愈臻改服迺名事華品貴恩深外邸榮照下庭豈期輶弱所能勝荷裴宋謝莊為尚書八座改封郡長公主奏曰臣聞爵厚懿威國之恒典景祚既新禮與時渥永興等七公主可封郡長公主

尊賢繼絕封

禮記曰天子存二代之後猶尊賢尊賢不過二代武王克殷未及下車而封黃帝之後於蓊封帝堯之後於祝封帝舜之後於陳下車而封夏后氏之後於杞殷之後於宋左傳曰鄭子產曰昔虞過父為陶正以服事我先王先王賴其利器用與其神明之後也庸以元女太姬配胡公而封諸陳以備三恪史記曰高帝過趙問樂毅有後乎得樂臣叔封之躡鄉號華成君成君毅之孫也漢書曰自古受命及中興之君必興滅繼絕修廢舉逸然後天下歸仁四方之政行焉傳稱武王克殷追存賢聖至平不及下車世代雖殊其揆一也高相撥亂日不暇給然猶脩祀六國永聘四皓過魏則寵無忌之墓適趙則制樂毅之後孝武疇咨前代初得周後後知爵邑元成之間晚得殷世以世賔位又曰武帝還過洛陽二三代邈遠以其三十里地封周後為周子南君又曰高祖功臣侯者子孫驕逸多陷法禁訖于孝武廢有子遺以勃之後又曰元康四年立勃等

人後紹爵復家也又漢武元狩中復以鄣戶二千四百封蕭何曾孫慶為鄣侯布告天下令明知朕報以蕭相國德慶厚也東觀漢記曰高祖功臣蕭曹為首有傳世不絕之誼曹相國後容城侯無嗣朕甚愍焉望長陵東門見二臣之墓生既有節終不遠身誼臣受寵古今所同遣使者以中牢禱太鴻臚悉求近親宜為嗣者頃景夙紹封以彰厥功晉陽秋曰夏侯惇魏之元功勳書竹帛昔庭堅不死猶或悼之况朕受終于魏而可忘其功臣哉其擇惇近屬封之晉中興書曰泰元二年興滅繼絕後故陳騫後浩之為高平公裴秀後球為鉅鹿公王沉後朴之為博陵公荀勗後軌為濟北侯何曾後闡為朗陵侯羊祜後法興為鉅平侯又曰元帝紹封魏後曹勵為陳留王魏武帝謝襲費亭侯表曰不悟陛下乃尋臣祖父則豫功臣克定寇逆援立孝順皇帝謂操不忘獲封茅土聖恩明發遠念桑梓日以臣為忠孝之苗不復量臣材之豐否既勉襲爵邑奉厥祖考復寵上將鈇鉞之任兼領大州萬里之憲內比鼎臣外參二伯身荷兼緘之榮本枝賴無窮之祚也昔大彭輔殷昆吾翼夏功成事就乃備爵

錫臣束脩無稱統御無績比荷殊寵策命褒績未盈一時三命交至雙金重紫顯以方任雖不識義庶知所尤又郭嘉有功臣死宜追贈封表曰臣聞褒忠示寵未必當身念功惟績恩隆後嗣是以楚宗孫叔敖顯封厥子岑彭既沒爵及枝庶誠賢君殷勤於清良聖祖敦篤於明勳也故軍祭酒洧陽亭侯穎川郭嘉立身著行稱成鄉邦與臣參事盡節為國臣今日所以免矣嘉與其功方將表顯使賞足以報效薄命天墮不終美志上為陛下悼借良臣下自毒恨喪失音佐昔霍去病蚤死孝武為之咨嗟祭遵不究功業世祖望櫃悲慟仁恩降下念發五內今嘉隕命誠足憐傷一梁任昉為褚綦代兄襲封表曰一日被司徒符印稱詔二日許臣兄貴所請以臣紹封南康郡公臣世屬啓聖運偶時來尚德疇庸先錫土宇臣貴載世承家兄居長德而量已夙退內事園疏以臣行達幽明早酷荼苦貴天倫真至友愛淳深非直引壻推温故能逃迹讓位鞠育提養以及人及事死讓生尚均脫疑取信十室本若錯鉢乃遠謬推恩近霑庸薄能以國讓私義有歸匹夫難奪守以勿二昔武始迫家臣之策陵陽感鮑子之言張

以誠請丁為理屈且大宗絕緒命臣出續傍統稟承在昔理絕終天永懷情事觸感崩裂伏惟陛下俯權孤門哀榮之重爰奪臣貴一至之輕察其丹款特賜停絕至公允種微臣剋幸又表曰近冒披款庶蒙哀亮奉機還詔未垂矜允伏讀周遑罔真心誠臣本凡劣身名不限標善不足以驗風流存小讓不足以弘進止若乃富埒千駟貴有邦家二者之來不期而至中人猶其赳赳凡近固宜勉勗直以門緒有歸長德無二若使貴高延陵之風臣忘子臧之節是廢德舉豈曰能賢陛下留心孤門特深追遠故臣窮必呼天憑威咫尺貴嬰疾沉固公私廢禮逢不世之恩遂良已之志確然難奪有理存焉臣既承先旨出續傍統受命有資反身何奉叙心感悼免義迫躬誠貫息霽年將志學禮及趨拜且私門世適二三攸序若天眷無已必降殊私乞以臣霽奉膺珪社伏願陛下聖慈曲垂矜慎如蒙哀允施重含育周庾信功臣不死王事請門襲封表曰臣聞以法施民必傳祀典以勞定國必有承家孫叔敖祭爵無聞有傷良相汝叔齊胤嗣絕沒實貶賢臣謹案大統十六年格先有封爵死於王事絕嗣者聽以支

子繼襲非死王事不許承封前牒五等功臣皆是勤勞王室身當患難扞禦災禍翼贊大猷一日遇疾身捐館舍不幸無祿享祀便絕於禮則不足於義則有傷未求上林之獵已削其俸不服襜褕之衣先除其國伏惟皇帝崇德旌庸興亡繼絕聞鼓鼙而思將帥畫靈臺而念舊臣豈有功存社稷而無後可守事盡忠貞而無祠可祭周於蕃屏爲約事在世功漢以山河爲誓義存長久臣聞存人之國大於救人之災立人之後重於封人之墓竊以殷朝繼及無廢小宗周室興亡貴存身後紹高密者累葉豈專鄧萬之正胤嗣平陽者重世何必曹叅之嫡孫愚謂生有其勞死非王事雖在支庶並聽承襲幸使伯有之魂不能爲厲若教之鬼其無餒而幽顯對揚人神咫尺

藝文類聚卷第五十一

藝文類聚卷第五十二

治政部上 論政 善政 赦宥

論政

釋名曰政正也下所取正也 禮記曰聖人南面而聽天下所宜先者五

一曰治親二曰報功三曰舉賢四曰使能五曰存愛察有仁愛者也五者一得於

天下民無不足不贍者 大戴禮曰德法者御民之銜勒也吏者轡也刑

者策也天子御者內史太史左右手也古者以法爲銜勒以官爲轡以刑

爲策以人爲手故御天下數百年而不解惰 管子曰國有四維一維絕

則傾二維絕則危三維絕則覆四維絕則滅傾可正危可安覆可起滅不

可得復也四維一曰禮二曰義三曰廉四曰耻 又曰堯舜之民非生而

治桀紂之民非生而亂故治亂在上 又曰聖君設度量置儀治如天地

之堅如列星之固如日月之明如四時之信然正令往而民從之 晏子

曰景公問治國何患對曰患社鼠社有鼠不可灌人君之左右出則賣重

寒熱入則矯謁收利 老子曰治大國若烹小鮮 書曰慎乎若朽索之